

حكايات في البحر

أحاسيس وخواطر شعرية

تأليف
فؤاد صالح

تصميم الغلاف والرسوم الداخلية

الفنانة نجلاء رافت

(مصر کا نام جو مراد) ~~شمال~~
۴۴۴۴۴۴۴۴

الطبعة الأولى - ١٩٧٨

● مقدمة ●

عزيزى القارىء ..

اسمح لى بكل تواضع ان اقدم لك نفسى من خلال
تلك السطور : ولعلك معى فى انه من الصعب ان يقدم
الانسان نفسه ، فاخشى ان ارفع من قيمتى وصفتى
فاصبح مغرورا قد اظن ان الدنيا لم تنجب سواى ،
واخشى ان ابخس من نفسى زيادة فى التواضع
فلا اتال الا الازدراء ، ورحم الله امرئ عرف قدر
نفسه .

كل ما هنالك .. اننى قد عشقت الفن والأدب منذ
كان عمري ثمانى سنوات ، فكتبت اول سطورى ووقفت
ممثلا على خشبة مسرح بور سعيد منذ كان عمري فى
الثامنة ، ولست هنا أقلد رؤوسا كبيرة ادعت بعد
وصولها الى سلام المجد انها كانت تعرف طريقها ،
فلست من هؤلاء ، ولم اصل بعد لاول الدرجات ، فقط
اقص عليك بعضا من سطور حياتى ربما تكون طريقا
لربط الصلة فيما بيننا .

أعود فأقول لك صديقي القاريء العزيز : ان ذكريات
حياتي وصراعاتها ، ذكريات خدمتي بصفوف القوات
المسلحة مجندا من عام ٦٦ حتى عام ١٩٧٣ .. ذكريات
ارتباطي بالوسط الفني ممثلا محليا بمسرح بور سعيد
او ممثلا مغمورا بالتليفزيون ، ذكريات ترددتي على دور
النشر آملا الموافقة على طبع بعض من انتاجي الأدبي
.. ذكريات سنوات تهجيرى وأسرتى من بور سعيد
خلال سنوات النكسة .. ذكريات غربتي عن أرض
الوطن ساعيا وراء العمل لتحسين مستوى معيشتي
وحياتي .. ذكريات وذكريات مضت ومازلت أعيشها
وأعيشها ، كلها كانت دافعا لى لأن أستمتر فى تسجيل
نبضات حياتي عبر سطور الورق ...

ولست شهيرا لأقدم نفسي .

ولست عبقرى لأعدد اعمالى .

كل ما هنالك اننى كما قلت وأقول .. قد عشقت
الفن والأدب بكل مجالاته فى التعبير كتابة أو تمثيلا ..
وبه أحسست بانسانيتي ، فعشت له وبه .

ولست هنا أقدم الفلسفة أو الحكمة .

لا أقدم الشعر أو النثر فقد اختلفت الآراء فى
أوصافهما .

لا أقدم سوى خواطر راودتني فسجلتها ، ومشاعر
حركت نبضات جوارحي فكتبتها . تلك هى سطورى
التالية .

وأملئ ان تنال اعجابك .

المؤلف

فؤاد صالح مؤلف هذه القصائد

هذه المشاعر نبضات قلب بطل .. كتب بعضها على ارض بورسعيد الحبيبة وتراب سيناء الغالية حينما كان مع الألوف من أبناء مصر تحت السلاح في انتظار « الإشارة » وقد عرفته منذ الطفولة بطلا في صراعه مع الحياة : وبطلا في كفاحه من أجل البقاء رغم ظروف الحياة التي واجهته ، وبطلا في اشتراكه مع الألوف من أبناء مصر الغالية لتحقيق النصر الكبير .

وعرفته ممثلا موهوبا حيث اشترك في تكوين فرق بورسعيد المسرحية مع مجموعة من نجوم الشائشة والمسرح على رأسهم الفنانان محمود ياسين وسمير العصفوري ... وغيرها من أبناء بورسعيد الحبيبة .

وعرفته ادبيا وشاعرا موهوبا وصادقا ومعبرا منذ طفولته ولا أنسى سنوات دراستنا معا في الصفوف الاولى ومدرس اللغة العربية يصمم اسبوعيا على تخصيص حصة كاملة نسمع فيها فؤاد وهو يقرأ علينا بعضا من مؤلفاته .

وعرفته فنانا صادقا وحساسا ، لم يسع وراء المظاهر ولم يلجأ لاي طريق ملتو لتحقيق شهرته ومجده .

عرفته جيدا .. ودعوت له .. وتمنيت ان ياخذ الله بيده ليحقق ما يرجوه وما ارجوه له .

وقد نتساءل لماذا تخلف فؤاد عن الصفوف الاولى للتجوم فاقول
لانه كان يؤدى ضريبة الدم فى اشرف المواقع .

والآن يعود لبنال مكانه بالكفاح والعرق والدم رغم ان عقله
وقلبه وكيانه مازالا تحت السلاح .

وفقه الله .

الكاتب الصحفى

احمد حياى



● أول الحكايات ●

في البعيد بعيد
الشمس تغيب
ورا موج البحر
وبنظهر تانى
في ساعات الفجر
والسما ألوانها
لها شكل غريب
والدنيا كمان
منظرها عجيب
وأنا واقف بس
من غير ما احس
واقف محتار
لا انا شايف ليل
ولا حتى نهار
اللون قدامى
أحمر على أصفر
وأبيض على أخضر
لا أنا عارف احدد

ايه لونها تمام
ولا قادر اعرف
معنى الايام
.....

الكون حواليه
فيه حاجة عجيبة
والسما قدامى
لها صورة غريبة
والاغرب منها
ان احنا كمان
وفى اى مكان
ماحناش عارفين
الحكمة حقيقى
منها الالوان
.....

وانا ابص واشوف
وبكل نظام
الموج فى صفوف
بيجى ويروح
ويهز الروح
ويقول حكايات
وآهات وآهات
فوق موج البحر
وانا فوق الشط
او فوق البحر
باسمع حكايات
حكايات فى البحر
●

● حكايات في البحر ●

لو تسال قلبي يقول حكايات
وحتسمع منه آهات وآهات
حتلاقي النبضة بتنطق من جوه
حتلاقي الكلمة بتقولك هوه
روح قلبي الفالى
وحبيبي كمان
تحلالى الدنيا في وجوده معايا
وفي أى مكان
لو تسال قلبي
حيقول أنا احبه
لو تسال روى
حتقولك برضه
مهما الايام مرت في حياتى
أنا برضه باحبه

.....

كانت حكايتنا من وقت زمان
في دقيقة ٠٠ في لحظة

موش اى زمان
كان يومها الشمس

بتغيب في البحر
وانا واقف باسال
ايه معنى الصبر

ايه معنى ايام
ولياالى طوال
والروح تتمنى

في خيال وآمال
جنية بحر

طالعة للبر

تسالنى تقول
شبيك لبيك

انا ملك ايديك

وانا اقول باتمنى

من جوه البحر
تطلعلى عروسة

موش سمكة اروسة

عملالى عروسة

وتقول لبيك انا ملك ايديك

.....

وأفوق من ثانى
فوقنى البحر
وأنا فوق البر
فوقنى بصوته
فوقنى بموجه

وهديره بيطل
وأنا فوق البر
غرقان فى خيالى
غرقان فى آمالى
وسالت البحر
والشمس بتغرق

ورا موجة بعيدة
والسما تحمر
ايه رأى البحر
أنا بدى احب

ويدق القلب
وسمعت جواب
بيقول حتحب
لو تسال قلبى يقول لك حكايات
وحتسمع منه آمات وآمات

.....

ومشيت بالليل
والناس نايمين

ومشيت سرحان
وفي ودنى انين
كان صوت الالخان
فوق موج البحر
بيقوللى تعالى
اغطس في البحر
يمكن تطلعك
عروسة بحق
وانا خفت حقيقى
قلت لهم لا
انا بدى عروسة
من اهل البر
موش سمكة بحر
تغطس وتأخذنى
واموت في البحر
ضحك البحر
وبصوته العالى
ضحكه حقيقى
حسيت وكأنه
انسان قدامى
قهقه م الضحكة
والريم على موجه
ظهر وكأنه
رزاز من بقه

من تأثير فتحه
على آخر وسمه
في الضحكة العالية
على روى الفالية
وسالت البحر
ليه بس الضحك
وانا بدى احب
ويدق القلب
وسمعت جواب
بيقول حتحب
لو تسال قلبى يقول حكايات
وحتسمع منه آهات وآهات

.....

وفضلت وحيد
على شط البحر
ولحد الفجر
بصيت ولقيت
جنية بحر
جاية م البر
لا تبقى حقيقى
جنية بر
حسيت بالنفض
من جوه القلب
حسيت بالحب
بصيت وناديت
ولقيت الرد

أنا موش جنية
أنا موش م البحر
ولا حتى كمان
جنية بر
أنا برضه كمان
سهرانة معاك
باسأل وياك
ايه معنى الصبر
ويرد البحر
واقوله كمان
أنا بدى احب
ويرد يقوللى
حيجيك يوم
حتحبى حقيقى
ويدق القلب
وأهو جه اليوم
ولقيتك برضه
بتقول للبحر
أنا بدى عروسة
موش سمكة أروسة
وتقول لبيك
أنا ملك ايديك
أنا موش جنية
طالعهم م اليه
لكنى بأقولك
شبيك لبيك



انا ملك ايديك

.....

ومسكت ايديها

بصيت لمينيها

ولقيت الننى

من جوه العين

وكان الشمس

بادئه للفجر

من فوق الموج

وهناك ع الموج

بصيت للشمس

ولقيتها عجيبة

وبصورة غريبة

طالعه من تانى

من تحت الموج

طالعة وبتنور

ويقرص مدور

من تحت البحر

بتقول حكايات

وأهات وآهات

•

الدنيا دواير
والعمر دواير
لا تلاقى بداية
ولا حتى نهاية
من يوم ما يتبدأ
أو يوم ما تموت
أهو كله يموت
في دواير ياما
بتلف الدور
والساقية تدور
وأنا وسط الدايـره
وحياتي السائرة
بأسألها سؤال
مالقيت له جواب
ان كنت صحيح
باختار م الدنيا

أو هي حقيقى
اللى بتختار
وابات مختار
والف وأدور
فى دواير يامه
لا تلاقى بداية
ولا حتى نهاية
من يوم ما بتبدا
أو يوم ما تموت

.....

واكتب فى سطور
ويضيع النور
واكتب وأعبر
والقلب بيكبر
وآلامه بتكتر
والنبض يحرك كل سطورى
والروح بتسجل نبض كلامى
وأنا وسط الأشجان
مشغول بالدنيا
مشغول بحياة الناس وارواحهم
مشغول بالموت
وكلام الناس وهروبهم
من لفظ الموت
مشغول بالضرب
وبكاء الناس ونحيبهم



وفى عز الحرب
وأنين الخوف بيحركهم
وآلف وادور
والدنيا تدور
في دواير يامه
لا تلاقى بداية
ولا حتى نهاية
من يوم ما يتبدأ
أو يوم ما تموت

.....

يا دمع سائل م الندم
يا قلب باكى م الألم
أنا ليه باعيش
أنا ليه وجودى فى الحياة
اسمه وجود
من غير وجود
مولود ضعيف
كبر وعاش فى ظروف عجيبة
من طفل يلعب فى الشارع
والعمر أهو ضائع
تلميذ بيذاكر
وشباب فرحان بشبابه
وموش فاكرا
بعدين العمر يمدى
وظروف العمر تقوت

بعدين بيموت
على فين بيروح
على فين بيودي الموت يا حياة
على فين بيروح
يا رب يا خالق كل الكون
أنا موش كافر
أنا عبد فقير غلبان محتاج لك
طول عمرى وحتى مماتى
ولبعد مماتى كمان محتاج لك
نفسى الدنيا تبقى جميلة
تبقى قلوب الناس وأرواحهم
كلها حب وألفه ما بينهم
بس خسارة
الدنيا مرارة
قلبى احتار
وسط الدنيا والأفكار
وسط الناس
وكلام الناس
وسط الضرب
فى عز الحرب
موش بالمدفع والطيارة
بالأفعال مليانه مراره
حسيت بالدم بيغلى فى عرقى
حسيت وكان القلب حيقف
حسيت وكان شيطان بيصقف
حسيت وكان الدنيا
موش عايزه وجودى

في وسط الناس دى
ورفعت ايديا
موش عارف ليه
في اللحظة دهيه
حببت الدنيا
طول العشرة مقصر فيا
حسيت وكان أعز عزيز
خلاص حيفارق
ومرخت في الجو الخانق
مرخت وقلت يا رب
موش عاوز أشوف الموت بعينه
غير بعد ما أشوف حلاوتها الدنيا
واهى دنيا دواير
بتلف الدور
والساقية تدور
وأنا وسط الدايه
وحياتي السايه
بأسألها سؤال
ما لقيت له جواب
ان كنت صحيح
باختار م الدنيا
أو هي حقيقى
اللى بتختار

•

حسيت في لحظة بالضياع وبالعدم
حببت أسجل على سطورى الالم
وبدأت أكتب وأنا في ايدى قلم
ما لقيت كلام
مالقيت بداية للسلام
ماقدرتش أبدأ فى السطور
حسيت بشيء شبه الفتور
حسيت بعقلى بينشطب
حسيت بنفض القلب جوه بينخطف
أنا موش عجوز
أنا موش حقيقى انسان عجوز
مرت مع عمره السنين
أنا لسه عمرى ثلاثين
لكن باشوف
وبكل دمع العين باشوف
وبكل جرح الروح باشوف

من زمان
من تواريخ الزمان
يوم ما كان الخلق لسه صغيرين
بالمعاملة كويسين
باللسان والقلب دايما طيبين

.....

يوم ما كان
من زمان
يا سلام ..
فيه سلام
يوم ما كان للزمن
أغلى تمن
يوم ما كانت النفس
تتناقل بدهب
فين الزمان ده ذهب
راح في البخور
وتعاويذ البخور
والاداب ويا البحور

.....

انا موش عظيم او فيلسوف
محتاج لشيله فوق الكتوف
انا بدى بس
أفهم وأحس

ليه الزمن
مالوش تمن
ليه الدموع ماليه موالى
واليه ما بتطلع العالى
ليه الشرور ماليه الزمان
ليه المحبة مالهاش مكان
ليه المآسى طول الليالى
نابتة بتكبر ويا العيدان
ليه كل ما بأسأل :
يقولولى زمان
كان ياما كان
كان حب الناس مليون فى قلوبهم
شبعانة نفوسهم لو فاضية جيوبهم
يوم ماكان من زمان
ويا ماكان
كان فى حلم والا علم
واتضح لى انه حلم
انه أكثر منه حلم
كان كابوس
لكن فطيع
كان بيعطينى آمال فى الخيال
كان بيعشرنى بالآلام
أيوه والله آلام
موشى مصدق ؟
طب تصور
لو تعيش فى يوم فى جنة
ثم ترجع للجحيم

تبقى حسيت بالسعادة
والا زاد ألم الجحيم ؟
الى بيدوق الحلاوة
ولو فى مرة
طول حياته حيفتكر طعم الحلاوة
وبالم
وبندم
خاصة لو يعيش العمر كله
فى اكل ملىان بالمرارة

.....

فهمونى يا خلق
فهمونى بكل صدق
فهموا قلبى الجريح
بس وحياة الرسل
من محمد والمسيح
حتى اول الانبياء
ليه بنقتل والا نسرق
ليه بنتخانق وهى رحلة
أبوه والله العيشة رحلة
من بكاء مولود بيرضع فى جو خانق
لبكاء نسوان يصدع لعزیز مفارق
م البداية للنهاية
نبكى يوم مايحين وجودنا
وبرضه نبكى حين فراقنا

.....

أنا انسان وموش م الجان
وموش عايز أقول فنان
باحس بدق نبضتى
وطعم جمال ضحكى
أنا انسان
وربى رفعى فى الانجيل والقرآن
ليه دمعى سايل م الندم
وقلبى باكى م الألم
ليه لازم أنافق فى الناس
علشان يقولولى انك فنان
علشان يقولولى انك ممتان
لا بدى يقولوا انك انسان
بس نضيف
فى اللحظة دى حاكون فنان

.....

نفسى أعرف من سنين
طول السنين
ليه الألم نازل بينهش فى الحمام
ويهد أبراج الحمام
من فوق سطوح الطيين
الى بيدعوا للسلام

.....

هى حياة الواحد فىنا
صحبح بتدوم
والا نهايته برواز للزينة
يعيش ويدوم
متسجل فيه
الصورة لواحد كان عايش بينا
وسبنا وراح
موش قادر أعبر
ولا عارف أقدر
أهو راح وبس
من غير ما نحس
راح وكأنه ما كان موجود
راح للخوف
فى وجود موجود
وموش معروف
راح وكأنه مكان موجود

.....

الدنيا حكاية
ورواية عجيبة
لا فى حد فاهمها
ولا حد عارفها
أهى كلمة نقولها
أو لحظة نعيشها
أهى دنيا وبس

من غير مانحس
الكل بيجرى
والكل بيتعب
والناس سرحانه
والكل يلعب
والكل بينسى
صفارة الامر
بنهاية العمر

•



ليه بنحاول نهرب دايما من حقيقتنا
ليه بنحاول نلغي وجودنا
نلغي ايماننا
نلغي الخير النابض دايما
جوه قلوبنا

.....

ليه نتظاهر اننا جد
ان حياتنا كلها جد
وهي حقيقة كلها حقد
كل النبض ينبطق فيها
كره والم كمان وحقد

.....



ليه بنحاول نهرب دايما من حقيقتنا
بص وفكر دايما واسأل
فين النور
فين الخير
فين الحب ونبضه في قلبك
فين حلاوتها الدنيا في نظرك
ليه بنحاول نهرب دايما من حقيقتنا

.....

ما تكشرش
لو في الدنيا دقيقه تبكى
فيها ساعات وأيام بتفرح

•

أنا بدى أقول كلام
وكلامى كثير ولكن
من جوه قلبى قلته
من جوه نبض قلبى
وبدى بس
تفهم تحس
الكلمة لما أقولها
من جوه قلبى تطلع
من نبض روى تنطق
واسمعى للنهاية
يمكن تلاقى كلمة
تنفع فى يوم تفكر
والأ تحاول مرة
تنقل م الكلمة فكرة

●

الناس أجناس
والجنس الواحد
يتحول دايما
وبقدرة قادر
عشرات أجناس
وأنا بدى أعبر
واكتب واسطر
حكايات الناس
أنواع الناس
من واقع حادث
أو حتى خيال
من قصة حب
وغرام وهيام
أو قصة بتحكى
بطولات الايام
لكن ولابد

من كل حكاية
حتلاقي الناس
والناس أجناس
بس ادعوا معايا
ربنا يبعدنا
عنه الخناس
ويحقق فكرة
الناس أجناس •

•



● سؤال غريب ●

ليه باهرب دايمًا من أصل الكون
الشر بينبت في نفوس الناس
وبيكبر زرعه في قلوبها كمان
والاقي الثمرة
الأخ بياكل من لحم أخوه
ويحاول يظهر للناس الطيبة
وحقيقة الناس ونفوسها ضعيفة
تنطق بالخير
قلبها شرير

.....

ليه دايمًا باهرب من ذل الدنيا ؟
واحكيها تمللي صورتها هنيه
ليه صاحبي يحاول
ياكل لحمي
ويلون بيته
من صبغة دمي

ليه دممى بيحكى
وجروحي بتدمى
ليه دايمآ أسال
ع الخير فى الناس
وأنا بأحرت قلبى
وأضربه بالفأس

.....

الحق صحيح
اننى انسان
عايز أتألف مع كل الناس
وأنا بدى أعيش وبروح فنان
لو كان الشر بيحوم حواليه
حاضربه بالنار
لو كان الخير بييموت حواليه
حاعطيله النار
يحرق حواليه نباتات شيطانية
بتحاول تسرق نظرات فى عينيه

•

يا دمع العين ليه تهرب
ومن مين راح تهرب
ده نبض القلب والله كثير
حنينه لقلب والله كبير
حنينه ينادي دمع العين
ويشكي لمن
دا يوم ما تعود
في يوم موعود
راح تحكي
وراح تشكي
في يوم موعود
في رنة عود
راح تحكي
يا دمع العين ما تهرب
انا خايف نيجي تهرب
ما تلقى لحظة ترجعك
دموع الفرحه والبهجة



وتتجبر
لا دمع الحزن يرجع لك
ولا حتى دموع فرحك

•

عم الشيخ أحمد جرجير
راجل قد الحال وفقير
سأب الدنيا عمل درویش
رمى تفكير الدنيا في بير

.....

عم الشيخ أحمد محروم
قضى حياته كلها لوم
كان بيطاطي لجل يعيش
لجل يلاقى مكان للنوم

.....

عم الشيخ أحمد غلبان
شاف الذل في كل مكان
شافه من جد وبالتهویش

شافه م الفقراء وم الاعيان

.....

كان بيلاقى حاجات وحاجات
كان بيلاقى اولاد لذوات
ياكلوا القشطه مع القراميش
وهو بياكل م القمامات

.....

عم الشيخ أحمد جرجي
بعد ما شاب عمل درويش
لجل يعيش
باليهمكة والتهويش

.....

تعرف انه كمان مقدرش
معرفش يعيش
لقى في الدنيا كتير دراويش
موش تمثيل ولا تهويش

.....

لقى حقيقتهم درس مفيد
صنعه حقيقة وخفة أيد

وسط الناس دى ..
كان لسه جديد

.....

عم الشيخ بقى راجل اوسطه
فى الدروشة وفى كل مفالطه
بعد أيام وسنين تعليم
رايه كل الدنيا اونطة •

•

● كلام الناس ●

أنا عارف وداد قلبك
وأنا حاسس باحساسك
وفاهم حنان ودك
بس أعمل إيه
ما تقوللى عليه
دانا قلبى اللى انتة حبيته
شريت المر علشانى
راجع وتقوللى انسانى
خلاص ...
انسى اللى قاسيته
طب ليه
ما تقوللى عليه
بتقوللى خلاص
علشان الناس
بيقولوا الناس
طب ما يقولوا والا يصيدوا
هم الناس بيسيوا الناس
فكر اول فى الاحساس



قبل ما تنهى حكاية حبك
حكم أول نبضة قلبك

.....

قالوا كثير
قالوا كلام
قالوا عنه كثير بتبص
قالوا بالف وأدور أيام
طب فيها ايه
ما تقوللى عليه
يعنى عايزنى اغمى عنه
والا ابص واشوف بعينه
واقفل قلبى جواه حبيبي
ما يهمنى كلام الناس
هم الناس بيسيروا الناس
فكر أول فى الاحساس
قبل ما تنهى حكاية حبك
حكم أول نبضة قلبك

.....

ما تقوليش حكايتنا خلاص
أنا موث حاسم باللى بيحصل
مهما كلام للناس ينقال
برضه حنفضل زى زمان

انت حبيبي في اى مكان
أنا موش حاقعد أبكى حياتى
ولا راح أقول كان ليه حكاية
قصة حب طويلة زمان
لا دانا حافضل وافضل وافضل
مهما هيجرى أو راح يحصل
هما الناس بيسيوا الناس
فكر أول في الاحساس
قبل ما تنهى حكاية حبك
حكم أول نبضة قلبك

•

● أنا والليل ●

أنا والليل مع الأشجان والسهرائين
أنا والكأس مع الدخان مع الهاميين
أنا والفكر وصوت الألحان في ودنى أنين

.....

أناجى الليل بكل دموعى وآسايأ وما في جواب
وأنادى الناس ونبض القلب ويأيا وما في صحاب
والأقى في السكون دمعى ودوايا مع الاحباب

.....

ولو حببت في يوم أنعس مع النايمن يضيع النوم
ولو عيني في يوم غفلت مع الحالمين الاقى اللوم
وأرجع تانى لدمعى مع الهاميين وأبات محروم

.....

واقضى الليل وطول ليلي مع الأثجان مع الهايمن
وأقول يا ربى ارحمنى دانا انسان فى قلبى أنين
وصوت قلبى ودقاته فى كل مكلن وكله حنين

.....

واعود تانى لدموعى وآسايا وما فى جواب
وأنادى الناس ونبض القلب ويايا وما فى صحاب
والاقتى فى السكون دممى ودوايا مع الأحباب .



● غصب عني ●

غصب عني موش بايدى
قلت لك ابعد وسينى
قلت لك اوعى تقابلنى
غصب عني موش بايدى

.....

قلبي ياما انجرح
م العنين السرحانين
من كلام السهرانين
قلبي دق كتير عشائهم
كان يطاطى
لجل خاطرى ولخاطرهم
جه في يوم حس بالامهم
حس بحقيقة كلامهم
حس ان الدمع
موش هو الحقيقى

حس من نظرة عندهم
انه موش هو طريقي
جه وتاب
م الحب تاب
بعد احساسه ما داب
جه وقاللي
موش بخاطري
أوعي تعاتبني
غصب عني موش بايدي
قلت لك ابعده وسيبني *

•



في قضيه وبدى أشرحها
في حكايه وبدى أحكيها
في كلمه ونفسي أقولها
هل ممكن .. ؟؟

.....

لو كان الممكن أصلا
موجود في الدنيا دهيه
أنا برضه كمان من حتى
أشرح من وجهة نظري
حتى لو كان من رأيي
العكس صحيح من رأيك
ايه رأيك .. ؟



ممکن تعطینى الكلمة
والا المفروض قدامك
اننى اتكلم دوغرى
وبدون ما استأذن منك
برضه عن اذنك ...

.....

فى الحب سمعت كلامك
انى موش قد شرامك
وكلامى وكل أفعالى
بتقول اننى قدامك
انسان موش قد الحب

.....

وانا ردى باقوله فى كلمه
والكلمه طويله غريبه
يلزمها حكايه عجيبه
كانت من وقت زمان
فى حكايه طويله كمان

.....

حببتك ..
ايوه أنا عارف
وهويتك ..

برضه وعارف
وفضلت معاك طول عمرى
وبقولها وانا موش خايف
لكن للحب فى قلبى
معنى غير كلمة حبي

.....

لو قلت بحبك بس
أو قلبى دق وحس
برضه موش هو المعنى
المعنى كبير قدامى
لو فيه دواوين بتسجل
ما حتكفى سطور الدنيا
تملاها معانى الحب

.....

الحب .. فعل وكلمة
الحب .. نبضه ولسه
الحب .. صرخة وهمسة
الحب .. حياة ووجود
الحب .. كائن موجود
فى قلوب الناس وأرواحهم
الحب كلمة تحدد ..
أنا قين
أنا مين

الحب كلام قرآن
الحب رسالة دين
فاهم معناها الكلمة
الحب رسالة
الحب .. كلمة وقالها
ربنا سبحانه تعالى

.....

وتعالى ..
تعالى يا قلبي وقوللى
هل نبض الحب فى قلبك
بيقول ع الحب بضاعة
لها وزن محدد لازم
وان كان يساويه حيساوى
وان طب ميزانه حيقى
انسان موثى قد الحب
موثى قد غرامك يعنى

.....

انا بدى اقولها وبس
وياريتك برضه تحس
انا قلبي خلاص اهو داب
وانا قلت كمان اهو تاب
وان جاني حبيبي يحاول
او حتى كلام وعتاب



انا برضه راح ارجع اقوله
ياحبيبي انا برضه بقلب
لكن موثى قد الحب

•

البحر غویط
وطویل وعریض
البحر کبیر
قالوا عنه کثیر
قالوا فی الاشعار
هادی وجبار
بیطاطی ویلعب
مع طفل صغیر
وتعوم فیه مراكب
ویطیر ویطیر
اساطیل جبارة
تنهار قدامه
البحر عجیب
وتاریخه غریب
یاما شاف حکایات
یاما شاف بطولات
یاما غرقت ناس
جوه فی اعماقه

ياما عامت ناس
فوق سطح امواجه
وانتصر البحر
في معارك ياما
لو فيه دواوين
لا حتكفي حكاية
ولا الف حكاية •

.....

انا بس راح احكى
من وجهة نظرى
البحر في بلدى
ياما شاف حكايات
ياما شاف بطولات
من وقت زمان
كان ياما كان
جت يوم اساطيل
تحتل بلدنا
جت عايمة هناك
على شط رشيد
حاولت تضربنا
واخذها البحر
دوبها معاه
وفضلنا معاه
احنا وبلدنا
وفضلنا نقول

للبحر حاجات
مالهاش تفسر
اهو خد اساطيل
بتهز بلاد
لو يوم جت مرت
على خط حدودها
وفي مره كمان
خد من دمياط
وبلاد وبلاد
كان واقف صامد
ويقول انا جامد
وانتصر البحر
في معارك ياما
لو فيه دواوين
لا حتكفى حكاية
ولا الف حكاية

.....

وزى البحر مانضيع ناس
حاولوا في رشيد
جه تانى وضيع
اساطيل بتحاول
تضرب في بلدنا
عارفينها بلدنا
اسطورة جميلة
الاسم الاول



فيه كلمة افرنجه
معناها المينا
والتانى حقيقى
الاسم سعيد
عارفينها بلدنا
غرقت قدامها
اساطيل جبارة
ومراكب ياما
فى معارك ياما
حتى فى النكسة
كانت بدايتنا
فى طريق النصر
يوم غرقت مركب
سموها ايلات
قالوا عنها وقالوا
ياما حكايات
لكن فى بلدنا
كانت نهايتها
فى البحر الهادى
من فوق الموج
لكن من جوه
فيه نار بتولع
وبتحرق كل
اساطيل الدنيا
لوجه يوم حاولت
تحتك ببلدى
.....

البحر غويط
وطويل وعريض
البحر كبير
قالوا عنه كثير
قالوا في الاشعار
هادى وجبار
اهو قلب بلدنا
او قلب اولادنا
برضه في حقيقته
هادى وجبار
بيطاطى ويلعب
مع طفل صغير
وتعموم فيه مراكب
ويطير ويطيح
اساطيل جبارة
تنهار قدامه
البحر عجيب
وتاريخه غريب
والاغرب منه
شئ اسمه محال
في تصرف واحد
من اهل بلدنا
الحلوة الغالية
نفديها بروحنا
في البر ان كان
او بحر كمان
او اى مكان

●

بلدى الحبيب
يا بورسعيد
يا ارض شافت
من زمان
ومن بعيد
شافت الفاس اللي ضربت
لجل ما تشق القنال
شافت الناس اللي ماتت
لجل مايجرى القنال
شفتى الجراح
ويا النواح
شفتى الالم
ويا الندم
شفتى سنين
والشغالين
كانوا بينوا للحياة
من فحت مجرى الحياة

بلدى الحبيب
يا بورسعيد
يا ارض كافحت
من سنين
طول السنين
فاكره الكفاح
طول السنين
فاكره الولاد
ولاد بلدنا الطيبين
زى الصواعق
ماسكه البنادق
نازله بتضرب
ع اللى بينهب
كان النضال
فوق القنال
من بورسعيد
حتى السويس
كان محمد وياه نبيل
وياه عويس
فاكره نبيل
يا بورسعيد
فاكره الشهيد
فاكره قميصه
وهو شعله نار بتحرق
معسكر الانجليز
فاكره الايدين الشغالين
فاكره النفوس الشقيانين

لما نادوا بالجلاد
فاكره الجلاء

.....

بلدى الحبيب
يا بورسعيد
يا ارض شافت
من زمان
ومن بعيد
فاكره القتال
فاكره تأميم القتال
فاكره النضال
كانت حرايق
فى بيوت عتيقة
كانت حقيقة
فوق الحقيقة
كان الحريق ويا الضلام
ضوءه منور زى الصباح
وكان جراح
وكان آلام
لكن حقيقى
كان انتصار
ويا الصباح

.....

حاقول وأعيد
يا بورسعيد
وموش حاساوم
كانت حكاية مطولة
زى الملاحم
مرت سنين
مر الزمن
وجانا فى ارض الوطن
شئ م الحال
على خط القنال
خلى بسمة ام دبلت ع الشفايف
خلى النسيم هجر الفيطان
راح للمقابر
والسواقى والبلابل
فين نفمها

صار نواح بيبكى الى صابر
والشمس ليه اليومين دول متغيرة
نورها صار نار بتحرق فى الحراير
فين الصبية وفين ضفاير شعرها
يوم ماكان البدر يرسم ضلها
فين راح جمالها وسحرها
مين الى غير شكلها
اسالوها واسالونى
واسالوا الدمع الى ساير
دى السنابل فى المزارع
بالايدى السود بنضمها
والجاموسة ولبنها فى ضرعها

واليوم بنحلب دمعها
لسه بتقولوا ايه الحكاية
ايه الرواية واصلها
دى حكاية بلدنا وشعبها
سينا برملها ويشمسها
دى حكاية طويلة معبرة
وسطوره كتيرة مكررة
وخطوط طويلة مسطرة
جرة قلم
موش عارفه تكتب
كلمه واحدة معبرة
وانا قلبى فى وسط المشاعر
مليان هموم
زى السموم
فى الدم جارية
فى العروق
وازاى افوق
م القموض اللى بيملأ شعور فريب

.....

نىء م الحال
على خط القتال
خلاكى من تانى رجعتى
من جديد
يا بورسعيد
فاضية الشوارع



YI

فأضيه المزارع
فأضيه البيوت
حتى الجوامع
لكن أيدين الشغاليين
ولاد بلدنا الطيبين
طالعه بتبنى لجل الحياة
ويا الصباح
وفي اليمين ماسكه السلاح
.....

شعور من جوه حركتى
شعور بكائى
ضحكتى
شعور فى الحق فرحنى
بكيت ايام
مع الاحلام
هجرت الحب
ونبض القلب
سألت كثير
وما فى جواب
ولا اهاب
نسيت نفسى فى مسكة قلم
نسيت فكرى فى لحظة عدم
نسيت قلبى فى دقة الم
وخدنى الفكر ودانى
لدنيا هناك
لا انا واعى ولا دارى

سألت البسمة
اللى يوم دبلت
لقتيتها مصحصحه وزاهيه
سألت النسمة
اللى يوم هجرت
غبطانا وراحت تبكى أيامها
سألت سواقى وبلابل
سألت صبيه
فى يوم قصت
ضفاير شعرها الحلوة
قالولى كلهم ايوه
رجعنا يا صاحبى من تانى
لاصل جدودنا وحياتنا
رجعنا يا قلبى لكفاحنا
رجعنا بكل ايماننا
وخذنا بتار اللى سبقونا

.....

بلدى الحبيب
يا بورسعيد
يا ارض شافت من زمان
ومن بعيد
لسه مشوارنا طويل
فيه بدايه ابنتدت
لكن المشوار طويل
عايز ايديكم كلكم

عائز قلوبكم كلكم
دى مصر ام الكل
طالبه منكم
كل النفوس الشقيانين
كل القلوب الفرحانين
كل الايدين الشغالين
لجل تبنى من جديد
مبنى جديد
مصنع جديد
انسان جديد
ابوه شهيد
وآدى الرسالة
من بورسعيد
ام الشهيد

● يادانة البحرين ●

(باللهجة الخليجية)

يا دانة البحرين

وين

يا دانة البحرين

وين الاقايك الحين

وين الدروب الصعبة

وين الاقايك وين

يا دانة البحرين
وين الاقايك الحين
وين الدروب الصعبة
وين الاقايك وين

.....

يا دانة البحرين

وين

يا دانة البحرين

وين نسمة المشتاق

وين الصفا والحب

وين نسمة المشتاق

يا دارة الخلاق
يا نسمة المشتاق
وين الصفا والحب
وين نسمة المشتاق

.....

يا دانة البحرين

وين

يا دانة البحرين

وين

يا دانة البحرين

وين

يانى الهوى غدار
يانى فى قلبى نار
يانى وقالى لا
لا تبكى يا محتار

قلت الحبيب غاب
قلت في قلبي عتاب
والله البكا والدمع
هو صدق عتاب

.....

يا دانة البحرين
وين الاقيك الحين
وين الدروب الصعبة
وين الاقيك وين

.....

قلبي حنينه زاد
دمع عيوني زاد
والنبض داخل قلبي
هو بعد زاد

.....

روحي تقول يا حبيب
قلبي يقول يا قلب
دمعي يزيد في بكاه
وينك حبيب القلب

.....



يا دانة البحرين
وين الاقيك الحين
وين الدروب الصعب
وين الاقيك وين

.....

يا درة الخلاق
يانسمة المشتاق
وين الصفا والحب
وين نسمة المشتاق



● إيش لوندك ●

(باللهجة الخليجية)

أشلونك حبيب القلب
أشلونك
وينك حبيب القلب
وعيونك
وحشتنى الرموش السود
أرجع حبيبي وعود
ليش البكا ودموع
ليش نحرق الشموع
ليش نبض قلبي غاب
والله في قلبي عتاب
ليش اتغيرت
ليش اتكبرت
ودي نعاود تاني
نزرع زهر الود
ودي نعاود تاني
نملا حياتنا ود
وحشتنى الرموش السود
أرجع حبيبي وعود

أنا قلبى والله حبيب
ما عمره غيرك حب
والنبض صوته دبيب
يدق داخل القلب
أشلونك حبيب القلب
أشلونك
وينك حبيب القلب
وعيونك
وحشتنى الرموش السود
أرجع حبيبي وعود
أرجع حبيبي وعود




● حبيبي الغائب ●
(باللهجة الخليجية)

يا نبض الحب في قلبي
يا روحى وعمرى يا حبي
يا شربة ماى بتروينى
يا نسمة روح بتحيينى
وين انتة الحين
واشكى لمن
ومن يمسح دموع العين
يداوى جروحي في قلبي
يا روحى وعمرى يا حبي
.....

تعالى وقوللى وين انتة
انه مالى غيرك انتة
تعالى نعيش سوا دايما
تعالى وقوللى وين انتة
يا روحى وعمرى يا حبي
يا نبض الحب في قلبي
... ..

أنا مختار
وقلبي في نار
أنا ضائع في وسط الموج
ونبض القلب كله شوق
تعالى وقوللي وين انتة
أنا مالى غيرك انتة
يا نبض الحب في قلبي
يا روحى وعمرى يا حبي
وين انتة الحين
واشكى لمن
ومن يمسح دموع العين •



● عيونها السوداء ●
(باللهجة الخليجية)

عيونها السوداء جرحتنى
وكحل رموشها سفرنى
فى دنيا بعيدة أعيش فيها
لا أنا قادر أصد منها
ولا عارف أعيش فيها

.....

سالت الليل لمن اشكى
ومن يسمع وأنا احكى
ويانى جوابه فى سكونه
سواد الليل زاد همى
وأنا سارح مع همومه

.....

سافرت بعيد وأنا حيران

سافرت الف كل مكان
وقلت الغربة تنسيني
وتشغلني
لقيت القلب بردد
صدي حبي
رجع تاني يقول يا زمان

.....

عيونها السوداء جرحتنى
وكحل رموشها سفرنى

.....

شفت حبيبي وسالته
قالت لى من ورا ستارة
بتخفى الدمع فى عيونها
ما زالت ليلي فى ترابها
وقيس ما زال ببيكيها

.....

أصول عاداتنا يا خوى
حبيب القلب يبقى بعيد
يحتاج فى السما حبه
ولا يفكر يشوف حبه
ولا يكلم سوى قلبه

ولا تفكر يا حبي
تملكني مع قلبي
كفايه القلب بيجبك
وشكوايا مع دموعي
باقولها لوحدتي وربّي

.....

عيونها السوداء جرحتي
وكحل رموشها سفرني

•

سطورى تبدو بيضاء
ورغم الكلام يملأها
ورغم القلب يحويها
غير انى
أحس النبض يؤلمنى
أحس الصوت يخدعنى
والألمى تعذبنى
فما جدواها يا ربى
ونبضاتى تحطمنى
تريد الوحى من قلبى
واختى الصدق فى قولى
ولا تفجع
فان اللفظ لا يلمع
وان كان صدى صوتى
يردد فى السما قولى
غير انى
أحس السطر لا يقنع

وكلماتي بلا معنى
وقارئها لا يشفع
صديقي الغالي
يا حبي
أعاني كثرة المال
وبالآلام والذل
لنبض اللفظ في قلبي
رجائي أن أجد عوني
وأن تلقاني وتحملني
لاشفي من أسي مرضي
وأعطي لحرفي النبض
أسجل بعض آمالي
وآلامي وأحلامي
أسجل فوق أسطرها
دبيب النبض في قلبي
وهمس الروح في حبي
فلا حرف يعذبني
ولا صوت يتابعني
ولا حتى سطور لفظي
أخاف منها تسحقني •

يا صديقي لا تسلني ما الحقيقة ما السبب
أنا لن أبالي بالضياح وبالجنون ولا عجب
أنا لن أبالي بالحياة والوجود وبالنسب
أنا شاعر أفنى حياته بالبكاء وبالغضب
لا تسلني يا صديقي ما الحقيقة ما السبب

.....

أنا كم فرحت لضياء أنوار القمر
أنا كم لهوت بمتعة في قلب الشجر
أنا كم لعبت بنشوة برزاز المطر
أنا شاعر طربت له نغمات الوتر
لكنني أشكو الهموم الآن من غدر القدر

.....

أني الملوم فقد عشقت خيال السماء
أني الملوم فقد ظننت الليل نور وضياء

انى الموم يا صديقى ولا ابغى رجاء
فلقد ظننت الخير خيرا دائما وبكبرياء
ولقد سعت وراءه حتى مرضت بكل داء

.....

انت الذى اعطيته كل المحبة والحقيقة
انت الذى امليته كل خبايايا الرقيقة
انت الذى ملأ الفؤاد باوهامى السحيقة
وظننت انى اسير على جثث غريقه
وجعلت الشر ينمو بأحاسيسى العميقة

.....

هل صار نبض القلب ذنبا وخطايا
هل صار للطيبة آلام وضحايا
هل أصبح الحب يقاس بالعطايا
أم صارت الدنيا بأجمعها خطايا
وبدت حياتى ظلمة لا تنكر سوايا

.....

يا صديقى .. رغم انك لم تسلمنى
غير انى
رغم كل آلامى ودموعى وظنى
رغم عنى
لن احقق ما رجوت

لن أنفذ ما فعلت
لن أقول انى كرهت
انما الحب سيطفو يا منايا
فوق آلام القلوب والخطايا
سوف يعطى ويكثر بالعطايا

.....

وسيفنى الحقد بالحقيقة
وتبدد الأيام أوهاى السحبة
وسيصفو القلب للنفس الرقيقة
وستصبح أنت كالجنة الفريقة



أخي الحبيب
في كل أرضي العربية
تلك الرسالة أخطها
إليك مني أخطها
يا ليتني
بدمائي أسجل سطرها
يا ليتني كنت معك
في وقتك
في خطوتك
لكنني قلبي معك
روحي معك
بكل نبضاتي معك
أدعو معك
أناجي رب الكون أن ينصرك

.....

أخي الحبيب
أنا ابن أرضك بور سعيد
تلك المدينة الساحرة
تلك الأيادي الثائرة
تلك الحياة الصابرة
أكتب اليك بكل نبض جوارحي
من بور سعيد
بلد الشهيد
وبحر الحزن في أحزاني
ودمع العين في أجفاني
لو أعرف كيف أعبر لك
عن صدق مشاعر وجداني

يا ليلي الساهر يا قلبي
يا نبضي الغالي يا حبي
لو أعرف كيف أعبر لك
آه لو كان بإمكانني

.....

أنا لست بداعم من خوف
لا عندي
لا عندي من هذا الخوف
لا عندي
لكن مشاعر وجداني
تتجمع في داخل وجدني

سأسجل نبضاتي وحبى
بلسان كفاحك ونضالك
سانادى العالم من قلبى
ابعدوا عن أرضى وعن حبى
لا توغروا قلبى بالحق
الوطن الغالى يتألم
والعدو فى الخارج يتحكم
ولا يمكن ..

ولا يمكن يا أخوة قلبى
أن أضرب فى نبضى وحبى
لا يمكن يا أهلى ووطنى
أن أفقد أيمانى وحبى
فالأرض العربية ستبقى
ولا يمكن يا أخوة قلبى
كلما قاربنا الآراء
أصبحنا كالأخوة الأعداء
كلما وحدنا كلمتنا
عدنا لنمزق وحدتنا

.....

قد كنا يا أخوانى
تجمعنا وحدتنا
تجمعنا كلمتنا
تجمعنا عروبتنا

.....

في الكل يا اخواني
لا بد عروبتى ايمانى
ولتبقى الوحدة في قلبي
وليتقى الايمان في روحي
ولتصحو نبضاتي وحيي
للوطن الغالى المتالم
وغرور الفاصب يتحكم
ولتصحو لعدو غادر
يتاهب ويحقق ساخر
فلندعوا المولى بمدامع
في معابد ٠٠ في جوامع
فلندعوا الخالق الصانع
فلندعوا باشواق الراكع
لنحرر من الحقد نفوسنا
ونتمم تحريرها بلادنا
ولنمحو من القلب جراح
انا لست بقاتل سفاح
انا قلب يسمى للحب
انا لست بمجرم للحرب
فليجمع مولانا قلوبنا
وليتقى ضمائرنا الحية
عنوانا حيا لنفوسنا
ولنبعد من القلب احقادنا

.....

ويا بحر الحزن في أحزاني
يا دمع العين في أجفاني
لو أعرف كيف أعبر لك
آه لو كان بإمكانني



دليل الكتاب

المقدمة	٥	انا والليل	٥٠
عن المؤلف	٧	غصب عنى	٥٢
اول الحكايات	١١	انسان موث قد الحب	٥٤
حكايات فى البحر	١٤	بحر بلدى	٦٠
دواير	٢١	بور سعيد	٦٦
دنيا	٢٧	يادانة البحرين	٧٥
ليه	٣٤	اشلونك	٧٨
بصراحة	٣٦	حبىبى الفائب	٨٠
الناس اجناس	٣٧	عيونها السوداء	٨٢
سؤال غريب	٣٩	معاناة كاتب	٨٥
دموع العين	٤١	سطور الى . . صديق	٨٧
درويش	٤٣	رسالة لكل عربى	٩٠
كلام الناس	٤٦	دليل الكتاب	٩٥

فؤاد مصطفى صالح

ص. ب : ٥٢٨٠ القامة / البحرين

٤ شارع طرح البحر / بورسعيد / ج. م. ع

يطلب من المؤلف ومن :

دار الثقافة الجديدة

٣٢ ش صبرى أبو علم — القاهرة

مطابع الأهرام الجديدة

رقم الايداع بدار الكتب ١٩٧٨/٢٥٤٩
